

## **Obavijest za Javni poziv "Tekući transferi drugim nivoima vlasti i fondovima - Transfer za razvoj turizma u Federaciji BiH" za 2024. godinu**

Federalno ministarstvo okoliša i turizma je izdvojilo sredstva u okviru Javnog poziva „Tekući transferi drugim nivoima vlasti i fondovima – Transfer za razvoj turizma u Federaciji BiH“ za 2024. godinu, u iznosu od 2 miliona KM. Javni poziv je kreiran na osnovu Strategije razvoja turizma 2022 – 2027. godina, uz konsultacije na terenu, s ljudima koji rade u turizmu i sa strukom. Programi su kreirani s ciljem promocije domaćih turističkih proizvoda i destinacija, podrške domaćim/internacionalnim manifestacijama, poboljšanja kvaliteta postojećih usluga razvojem specifičnih oblika turizma, ruralnih i autohtonih ugostiteljskih djelatnosti u gradovima i u selima, zatim stvaranje prepoznatljivog turističkog brenda putem jačanja promotivnih aktivnosti turističke ponude na domaćem i inostranom tržištu putem videa, brošura i dr.

Na ovogodišnji Javni poziv za tekući transfer ukupno je pristigla 361 aplikacija, raspoređena na 5 predviđenih programa. Od ukupno pristiglih aplikacija, 153 nisu zadovoljile formalno-pravne uslove, a najčešći razlozi za odbacivanje su bili: način uvezivanja i/ili neovjerene izjave na način definisan pozivom, ili nepotpuna dokumentacija. Veliki broj zaprimljenih aplikacija nije prijavljen na adekvatne programe iz Javnog poziva, kao naprimjer da su aplikanti projektne prijedloge za lokalne manifestacije prijavljivali na internacionalne i obratno. Također, veliki broj aplikanata se prijavio na programe tekućeg transfera, a podneseni projektni prijedlog se odnosio na kapitalna ulaganja, pa skrećemo pažnju na obavezu poštivanja Pravilnika o knjigovodstvu budžeta u Federaciji BiH kojim je definisano ono što može biti tretirano kao tekuće, odnosno kapitalno ulaganje.

Na kraju treba naglasiti da broj prijavljenih aplikanata i interes koji je iskazan iz svih krajeva FBiH pokazuju da ulaganje u turizam ima veliki značaj, te ćemo nastaviti biti partneri svima koji jačaju i proširuju turističko-ugostiteljsku ponudu i naše destinacije promovisu kao poželjne. Budžet za turizam ove godine je značajno uvećan i iznosi 4 miliona KM što je duplo povećanje u odnosu na prošlogodišnjih 2 miliona KM, te smo pored tekućeg transfera ove godine po prvi put izdvojili 2 miliona KM za kapitalni transfer. Uspješna realizacija projekta i iskazivanje interesa radnika u turizmu, svakako će nas opredijeliti i za visinu budžeta za narednu, 2025. godinu.

Svim turističkim radnicima želimo uspješnu i kvalitetnu turističku sezonu.

**Federalno ministarstvo okoliša i turizma**